

Կազմված է 2013թվականի հունիսի 18-ին,  
բաղկացած է 8 (ութ) թերթից  
ՏՊԱԳՐՎԱԾ Է ԸՆԴԱՄԵՆԸ 5 ՕՐԻՆԱԿ  
ՕՐԻՆԱԿ 1

ՀԱՍՏԱՏՎԱԾ Է՝

ԳՅՈՒՄՐԻ ՀԱՄԱՅՆՔԻ ԱՎԱԳԱՆՈՒ  
2013ԹՎԱԿԱՆԻ ՀՈՒՆԻՍԻ 18-Ի  
N 61- Ա ՈՐՈՇՄԱՄԲ

Գ Ր Ա Ն Ց Վ Ա Ծ Է՝

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ  
ԱՇԽԱՏԱԿԱԶՄԻ ԻՐԱՎԱԲԱՆԱԿԱՆ ԱՆՁԱՆՑ  
ՊԵՏԱԿԱՆ ՌԵԳԻՍՏՐԻ ԳՈՐԾԱԿԱԼՈՒԹՅԱՆ  
ՏԱՐԱԾՔԱՅԻՆ ԲԱԺՆԻ ԿՈՂՄԻՑ

ԳՐԱՆՑՄԱՆ N \_\_\_\_\_

ՀԱՄԱՅՆՔԻ ԴԵԿԱՎԱՐ՝

ՎԿԱՅԱԿԱՆ N \_\_\_\_\_

\_\_\_\_\_ Ս.ԲԱԼԱՍԱՆՅԱՆ  
Կ.Տ.

ՀՎՀՀ N \_\_\_\_\_

<< \_\_\_\_\_ >> 2013 ԹՎ.

\_\_\_\_\_   
Կ.Տ.

Կ Ա Ն Ո Ն Ա Դ Ր ՈՒ Թ Յ ՈՒ Ն

ԳՅՈՒՄՐՈՒ ՔԱՂԱՔԱՊԵՏԱՐԱՆԻ

<<ԱՆԻ ՓՈՂԱՅԻՆ ՆՎԱԳԱԽՈՒՄԲ>>

ՀԱՄԱՅՆՔԱՅԻՆ ՈՉ ԱՌԵՎՏՐԱՅԻՆ

ԿԱԶՄԱԿԵՐՊՈՒԹՅԱՆ

## 1. ԸՆԴՀԱՆՈՒՐ ԴՐՈՒՅԹՆԵՐ

1. Գյումրու քաղաքապետարանի «Անի փողային նվագախումբ» համայնքային ոչ առևտրային կազմակերպությունը /այսուհետ՝ կազմակերպություն/ շահույթ ստանալու նպատակ չհետապնդող, իրավաբանական անձի կարգավիճակ ունեցող ուսումնադաստիարակչական հաստատություն է, որն « օրենսդրությանը համապատասխան ձեռք է բերում և իրականացնում սույն Կանոնադրությամբ ամրագրված իր խնդիրների իրականացման համար անհրաժեշտ իրավունքներ և պարտականություններ:

2. «Անի փողային նվագախումբ» ՀՈԱԿ - ի հիմնադիրն է Գյումրու քաղաքապետարանը: Կազմակերպությունը ստեղծված է համարվում սահմանված կարգով ՀՀ պետական գրանցում ստանալու պահից՝ առանց ժամկետային սահմանափակման:

3. Կազմակերպությունն իր գործունեության ընթացքում ղեկավարվում է Հայաստանի Հանրապետության օրենսդրությամբ, ՀՀ կողմից վավերացված միջազգային պայմանագրերով և սույն Կանոնադրությամբ:

4. Կազմակերպության գտնվելու վայրն է ՀՀ Շիրակի մարզ, ք. Գյումրի, Մհեր Մկրտչյան 49, (փոստային ինդեքս՝ 3103):

5. Կազմակերպությունը որպես սեփականություն, ունի առանձնացված գույք և իր պարտավորությունների համար պատասխանատու է այդ գույքով: Կազմակերպությունը կարող է իր անունից ձեռք բերել և իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող: Պատասխանատվություն չի կրում հիմնադրի պարտավորությունների համար:

6. Կազմակերպությունը ունի ՀՀ զինանշանի պատկերով և իր՝ հայերեն, ռուսերեն, անգլերեն անվամբ կլոր կնիք, կարող է ունենալ իր անվանմամբ ձևաթղթեր, խորհրդանիշ և այլ անհատականացման միջոցներ, եկամուտների և ծախսերի նախահաշիվ, ինքնուրույն հաշվեկշիռ և բանկային հաշիվ:

7. Կազմակերպության անվանումն է.  
Հայերեն լրիվ՝ Գյումրու քաղաքապետարանի «Անի փողային նվագախումբ» համայնքային ոչ առևտրային կազմակերպություն  
Կրճատ՝ «Անի փողային նվագախումբ»  
Ռուսերեն լրիվ՝ муниципальная не коммерческая организация "Духовой оркестр Ани"  
Гюмрийского городского муниципалитета  
Կրճատ՝ "Духовой оркестр Ани"  
Անգլերեն լրիվ՝ Gyumri "Ani Wind Orchestra" non commercial organization  
Կրճատ՝ "Ani Wind Orchestra"

8. Կազմակերպությունն այլ կազմակերպության հիմնադիր կամ մասնակից կարող է հանդիսանալ միայն Հիմնադրի որոշմամբ:

9. Կազմակերպությունում չեն թույլատրվում քաղաքական և կրոնական կազմակերպությունների ստեղծումն ու գործունեությունը:

## 2. ԿԱԶՄԱԿԵՐՊՈՒԹՅԱՆ ԳՈՐԾՈՒՆԵՈՒԹՅԱՆ ԱՌԱՐԿԱՆ ԵՎ ՆՊԱՏԱԿԸ

**2.1** Կազմակերպության գործունեության առարկան և հիմնական նպատակներն են՝  
**ա/** մշակութային գործունեության իրականացում,  
**բ/** փողային երաժշտարվեստի բնագավառում հասարակության հոգևոր պահանջների ձևավորում և բավարարում,  
**գ/** ազգային երաժշտական-կատարողական արվեստի ավանդույթների պահպանում, տարածում և զարգացում,  
**դ/** դասական և ժամանակակից լավագույն երաժշտական ստեղծագործությունների կատարում:

**2.2** Կազմակերպությունն իր գործունեության նպատակներին համապատասխան՝  
**ա/** կազմակերպում է համերգներ,  
**բ/** ինքնուրույն է ձևավորում իր երաժշտախումբը,  
**գ/** անկախ է իր գործունեության գեղարվեստական ստեղծագործական ուղղությունների, երկացանկի ընտրության մեջ, ինքնուրույն է ընդունում որոշումներ՝ համերգի հրապարակային կատարման և գովազդային նյութերի հրապարակման վերաբերյալ,  
**դ/** պայմանագրային հիմունքներով օգտագործում է մտավոր սեփականության օբյեկտներ,  
**ե/** ձևավորում է իր գործունեության զարգացման ծրագիրը, որոշում տոմսերի, այլ ծառայությունների իրացման կարգն ու գները, եթե Հայաստանի Հանրապետության օրենսդրությամբ այլ բան սահմանված չէ,  
**զ/** որոշում է իր ստեղծած համերգային ծրագրի օգտագործման ընտրության եղանակը, այդ համերգի հեռուստառադիոհաղորդման, նյութական կրիչներով նկարահանման, ձայնագրման բազմացման, տարածման, իրացման և կրկնօրինակման թույլտվության իրավունքի փոխանցումը այլ կազմակերպություններին, իրավաբանական և ֆիզիկական անձանց՝ մտավոր սեփականության օբյեկտների հեղինակների և այլ անձանց իրավունքների պահպանման պայմանով,  
**է/** ինքնուրույն է ծրագրում իր հիմնական գործունեությունը, որոշում գործունեության զարգացման հեռանկարային ծրագրերը՝ կնքված պայմանագրերին, իրականացվող աշխատանքների ու մատուցվող ծառայությունների պահանջարկին համապատասխան,  
**ը/** պայմանագրային հիմունքներով ներգրավում է այլ իրավաբանական և ֆիզիկական անձանց,  
**թ/** անցկացնում է ստեղծագործական ստուգատեսներ, փառատոներ և մրցույթներ,  
**ժ/** կազմակերպում է ստեղծագործական խմբերի և անհատ կատարողների հյուրախաղեր,  
**ժա/** օգտագործում է իր ձևաթղթերը, անվանումն ու խորհրդանիշը՝ գովազդի նպատակով, ինչպես նաև թույլատրում է դրանց օգտագործումը այլ իրավաբանական և ֆիզիկական անձանց կողմից՝ պայմանագրային հիմունքներով,  
**ժբ/** ապահովում է կազմակերպությանն ամրացված շենքերի ու շինությունների պահպանությանն ու օգտագործմանն անհրաժեշտ պայմանակարգը (ռեժիմը), իրականացնում հակահրդեհային անվտանգության միջոցառումներ,  
**ժգ/** անցկացնում է երաժիշտ-կատարողների (երգիչների) բաց հրապարակային մրցույթներ՝ նվագախմբի (երգչախմբի) վերակազմավորման կամ համալրման նպատակով:

**2.3** Կազմակերպությունն իրականացնում է ձեռնարկատիրական գործունեության հետևյալ տեսակը՝  
**ա/** սեփական տեսաձայնագրությունների տարածում

Ձեռնարկատիրական գործունեության իրականացման համար (ոչ առևտրային կազմակերպությունը) իրավունք ունի ստեղծել տնտեսական ընկերություններ կամ լինել նրանց մասնակից:

Լիցենզավորման ենթակա գործունեության տեսակներով Կազմակերպությունը կարող է զբաղվել լիցենզիայի հիման վրա:

**2.4** Կազմակերպությունը հարկերը, տուրքերը և պարտադիր այլ վճարումները վճարում է շահույթ ստանալու նպատակ չհետապնդող կազմակերպությունների համար նախատեսված կարգով և չափով:

**2.5** Համայնքային կազմակերպությունը Հիմնադրի կողմից սահմանված կարգով պարտավոր է հրապարակել իր տարեկան ֆինանսական հաշվետվությունը:

### **3. ԿԱԶՄԱԿԵՐՊՈՒԹՅԱՆ ԿԱՌԱՎԱՐՈՒՄԸ**

**3.1** Կազմակերպության կառավարումն իրականացնում են Հիմնադիրը, դրա լիազորված համայնքային մարմինը և Կազմակերպության գործադիր մարմինը՝ տնօրենը և գեղարվեստական ղեկավարը:

**3.2** Կազմակերպության լիազորված համայնքային մարմնի ղեկավարը, Կազմակերպության գործադիր մարմինը, նրա տեղակալները Կազմակերպության անունից հանդես գալիս պետք է գործեն բարեխղճորեն և ողջամիտ՝ ի շահ իրենց կողմից ներկայացվող Կազմակերպության:

Կազմակերպության Հիմնադիրն ունի Կազմակերպության գործունեությանը և կառավարմանը վերաբերող ցանկացած հարցի վերջնական լուծման իրավունք, բացառությամբ օրենքով նախատեսված դեպքերի:

Հիմնադրի բացառիկ լիազորություններն են՝

**ա/** Կազմակերպության հիմնադրումը,

**բ/** Կազմակերպության առարկայի և նպատակների՝ այդ թվում նրա կողմից իրականացվող ձեռնարկատիրական գործունեության տեսակների սահմանումը,

**գ/** Կազմակերպության վերակազմակերպումը և լուծարումը,

**դ/** Կազմակերպությանը սեփականության իրավունքով հանձնվող և (կամ) ամրացվող՝ համայնքին պատկանող գույքի կազմի հաստատումը,

**ե/** Կազմակերպության կանոնադրության հաստատումը և դրանում փոփոխություններ կատարելը,

**զ/** Կազմակերպության կառավարման համակարգի սահմանումը,

**է/** Կազմակերպության լուծարման հանձնաժողովի նշանակումը և լուծարման հաշվեկշռի հաստատումը,

**ը/** Կազմակերպության կառուցվածքի, աշխատակիցների թվաքանակի, հաստիքացուցակի և պաշտոնային դրույքաչափերի սահմանումը:

**3.3** Լիազորված համայնքային մարմինը (Գյումրու քաղաքապետ)՝ իրականացնում է Կազմակերպության ընդհանուր կառավարումը, ապահովում է նրա բնականոն գործունեությունը և պատասխանատվություն է կրում դրանց չկատարման կամ ոչ պատշաճ կատարման համար:

## Գյումրու քաղաքապետը՝

**ա/** սույն կանոնադրությամբ սահմանված կարգով իրականացնում է Կազմակերպության կառավարման մարմինների ձևավորումը և նրանց լիազորությունների վաղաժամկետ դադարեցումը,

**բ/** իրականացնում է Կազմակերպության գործունեության վերահսկողությունը,

**գ/** կասեցնում կամ ուժը կորցրած է ճանաչում Կազմակերպության գործադիր մարմնի՝ Հայաստանի Հանրապետության օրենսդրության պահանջներին հակասող հրամանները, հրահանգները, կարգադրություններն ու ցուցումները,

**դ/** լսում է Կազմակերպության գործունեության մասին հաշվետվություններ, քննում է դրանց գործունեության վերստուգման արդյունքները,

**ե/** վերահսկողություն է իրականացնում Կազմակերպությանն ամրացված համայնքային սեփականության օգտագործման և պահպանության նկատմամբ,

**զ/** վերահսկողություն է իրականացնում Կազմակերպության սեփականության պահպանության նկատմամբ, իսկ օրենքով, Հիմնադրի որոշմամբ կամ սույն կանոնադրությամբ նախատեսված դեպքերում համաձայնություն է տալիս նրա գույքի օտարման կամ վարձակալության հանձման համար,

**է/** հաստատում է Կազմակերպության տարեկան հաշվետվությունները և տարեկան հաշվեկշիռը,

**ը/** հաստատում է Կազմակերպության տարեկան եկամուտների և ծախսերի նախահաշիվը,

**թ/** իրականացնում է օրենքով, Հիմնադրի որոշումներով նախատեսված այլ գործառույթներ:

### 3.4 Կազմակերպության գործադիր մարմինը.

**ա/** Կազմակերպության ընթացիկ գործունեության ղեկավարումն իրականացնում են տնօրենն ու գեղարվեստական ղեկավարը, որոնց պաշտոնում նշանակում և պաշտոնից ազատում է լիազորված համայնքային մարմինը՝ Գյումրու քաղաքապետը: Կազմակերպության տնօրենն օրենքով, Հիմնադրի ու լիազորված համայնքային մարմնի որոշումներով և սույն կանոնադրությամբ իրեն վերապահված լիազորությունների սահմաններում ղեկավարում է Կազմակերպության գործունեությունը և կրում պատասխանատվություն՝ օրենքների, իրավական այլ ակտերի, Հիմնադրի կամ լիազորված համայնքային մարմնի որոշումների, սույն կանոնադրության և կնքված պայմանագրերի պահանջները չկատարելու կամ ոչ պատշաճ կատարելու համար:

**բ/** Տնօրենի հետ կնքվում է աշխատանքային պայմանագիր, որը Հիմնադրի անունից ստորագրում է լիազորված համայնքային մարմնի ղեկավարը՝ Գյումրու քաղաքապետը:

**գ/** Կազմակերպության գործադիր մարմնում նշանակված անձը պետք է բավարարի օրենքով նախատեսված պահանջներին:

**դ/** Կազմակերպության տնօրենը պետք է ունենա մասնագիտական բարձրագույն կրթություն, չի կարող զբաղեցնել այլ պաշտոն կամ կատարել այլ վճարովի աշխատանք՝ բացի գիտական, մանկավարժական և ստեղծագործական աշխատանքից:

**ե/** Տնօրենի պաշտոնում նշանակված անձը գույքային պատասխանատվություն է կրում իր մեղքով Կազմակերպությանը պատճառած վնասի համար:

**զ/** Կազմակերպության գործադիր մարմնի պաշտոնում նշանակված անձը պարտավոր է չկատարել Հիմնադրի, լիազորված համայնքային մարմնի օրենսդրությանը հակասող որոշումները, կարգադրությունները, հրամանները, հրահանգները և դրանց չկատարման համար չեն կարող ենթարկվել պատասխանատվության:

### 3.5 Կազմակերպության տնօրենը՝

- ա/** առանց լիազորագրի հանդես է գալիս Կազմակերպության անունից, ներկայացնում է նրա շահերը և կնքում գործարքներ,
- բ/** ՀՀ օրենսդրությամբ, Հիմնադրի ու լիազորված համայնքային մարմնի որոշումներով ու կանոնադրությամբ սահմանված կարգով տնօրինում է Կազմակերպության գույքը, այդ թվում՝ ֆինանսական միջոցները,
- գ/** տալիս է Կազմակերպության անունից հանդես գալու լիազորագրեր, այդ թվում՝ վերալիազորման իրավունքով լիազորագրեր,
- դ/** աշխատանքի է նշանակում և աշխատանքից ազատում է Կազմակերպության աշխատողներին, նրանց նկատմամբ կիրառում խրախուսման միջոցներ ու նշանակում կարգապահական տույժեր,
- ե/** բանկերում բացում է հաշվարկային հաշիվներ,
- զ/** սահմանում է Կազմակերպության կառուցվածքային ստորաբաժանումների իրավասությունները,
- է/** օրենքով և սույն կանոնադրությամբ սահմանված իր լիազորությունների սահմաններում արձակում է հրամաններ, հրահանգներ, տալիս կատարման համար պարտադիր ցուցումներ և վերահսկում դրանց կատարումը,
- ը/** ապահովում է Կազմակերպության գործունեության մասին համապատասխան հաշվետվությունների կազմումը և դրանք սահմանված կարգով ներկայացնում լիազորված համայնքային մարմին,
- թ/** իրականացնում է ՀՀ օրենսդրությանը չհակասող այլ լիազորություններ:

### 3.6 Գեղարվեստական ղեկավարը.

- ա/** մեկնաբանում և ղեկավարում է փողային երաժշտական ստեղծագործության նվագախմբային (երգչախմբային) կատարումը,
- բ/** ընտրում և կազմում է համերգային ծրագրեր,
- գ/** նշանակում է մենակատարներ նվագախմբային մենանվագների կատարման համար,
- դ/** տնօրենի համաձայնությամբ հաստատում է նվագախմբի (երգչախմբի) երկացանկը,
- ե/** իրականացնում է գեղարվեստական ստեղծագործական գործունեությանը վերաբերող այլ խնդիրներ:

### 3.7 Կազմակերպության գեղարվեստական ղեկավարը և տնօրենը համատեղ իրականացնում են հետևյալ իրավասությունները.

- ա/** հաստատում են համերգային ծրագիրը,
- բ/** որոշում են Կազմակերպության հյուրախաղային երկացանկը, հյուրախաղերի ժամկետները, վայրը և մասնակիցների կազմը,
- գ/** որոշում են այլ կազմակերպությունների հյուրախաղային կամ արտագնա համերգների և այլ միջոցառումների բեմահարթակի տրամադրման նպատակահարմարության հարցը:

### 3.8 Ստեղծագործական և կազմակերպական աշխատանքների արդյունավետ իրականացման նպատակով տնօրենին առընթեր ստեղծվում է խորհրդակցական մարմին՝ գեղարվեստական խորհուրդ:

Գեղարվեստական խորհուրդն իր գործառույթներն իրականացնում է տնօրենի կողմից հաստատված կանոնակարգի հիման վրա:

Գեղարվեստական խորհուրդի կազմի մեջ ի պաշտոնե մտնում են կազմակերպության գեղարվեստական ղեկավարը, տնօրենը, ստեղծագործական անձնակազմի, ինչպես նաև արվեստի, գրականության, հասարակական և այլ կազմակերպությունների ներկայացուցիչներ:

Գեղարվեստական խորհուրդի կազմը հաստատում է կազմակերպության տնօրենը լիազորված համայնքային մարմնի հետ համաձայնեցնելով:

Գեղարվեստական խորհուրդն իր լիազորությունների սահմաններում քննարկում է կազմակերպության գործունեությանն առնչվող հարցեր, հաստատում է կազմակերպության գործունեության տարեկան և ընթացիկ ծրագրերն ու դրանց կատարման հաշվետվությունները:

#### **4. ԿԱԶՄԱԿԵՐՊՈՒԹՅԱՆ ԳՈՒՅՔԸ**

**4.1** Կազմակերպության սեփականությունը ձևավորվում է Կազմակերպության հիմնադրման ժամանակ և հետագայում Հիմնադրի կողմից սեփականության իրավունքով նրան հանձնվող, ինչպես նաև Կազմակերպության գործունեության ընթացքում արտադրված և ձեռք բերված գույքից:

**4.2** Կազմակերպությունն իրավունք ունի օրենքին, հիմնադրի որոշումներին և (կամ) սույն կանոնադրությանը համապատասխան իր հայեցողությամբ տիրապետել, տնօրինել և օգտագործել սեփականության իրավունքով իրեն պատկանող գույքը:

**4.3** Կազմակերպության սեփականության պահպանման հոգսը կրում է Կազմակերպությունը:

**4.4** Կազմակերպության սեփականության վրա կարող է բռնագանձում տարածվել միայն դատական կարգով:

**4.5** Հիմնադիրը կարող է Կազմակերպությանն անժամկետ և անհատույց օգտագործման իրավունքով ամրացնել ցանկացած գույք:

Հիմնադիրն իրավունք ունի հետ վերցնել իր կողմից Կազմակերպությանն ամրացված գույքը:

**4.6** Կազմակերպությունն իրավունք չունի իրեն ամրացված գույքը կամ դրա նկատմամբ իր իրավունքներն օտարելու, գրավ դնելու, հանձնելու անհատույց օգտագործման:

Կազմակերպությունն իրավունք ունի իրեն ամրացված գույքը Համայնքի անունից հանձնել վարձակալության, եթե դա արգելված չէ Հիմնադրի կամ Գյումրու քաղաքապետի որոշմամբ:

Ամրացված գույքի օգտագործման արդյունքում Կազմակերպության ստացած եկամուտները Կազմակերպության սեփականությունն են:

Կազմակերպությանն ամրացված գույքի օգտագործման ընթացքում առաջացած միջոցների բարելավումները հանդիսանում են Հիմնադրի սեփականությունը:

**4.7** Հիմնադրի կողմից գույքը Կազմակերպությանն ամրացնելը հիմք չէ այդ գույքի նկատմամբ Հիմնադրի կամ երրորդ անձանց իրավունքները դադարեցնելու կամ փոփոխելու համար:

**4.8** Հիմնադրի կողմից Կազմակերպությանն ամրացված անշարժ գույքի կամ պետական պարտադիր գրանցմանն ենթակա գույքի նկատմամբ Կազմակերպության օգտագործման իրավունքը ծագում է դրանց նկատմամբ իրավունքի պետական գրանցման պահից:

**4.9** Կազմակերպության ֆինանսական միջոցների հիմնական աղբյուրն է հանդիսանում ՀՀ պետական և Գյումրու բյուջեներից հատկացումները, ինչպես նաև վճարովի ծառայություններից և սույն կանոնադրությամբ նախատեսված և օրենսդրությամբ չարգելված այլ գործունեության արդյունքում գոյացած սեփական միջոցներից, իրավաբանական և ֆիզիկական անձանց կամավոր ներդրումներից և հանգանակություններից, տեղական և արտասահմանյան միջազգային կազմակերպությունների կրթամշակութային և ուսումնական գործունեության տրամադրած դրամաշնորհներից:

Տարբեր աղբյուրներից մուտք եղած բոլոր միջոցները մտնում են կազմակերպության եկամուտների մեջ և կազմում են նրա ֆինանսական միջոցների միասնական ֆոնդ:

**4.10** Կազմակերպության ֆինանսական գործունեության նկատմամբ վերահսկողությունն իրականացնում են Հիմնադիրը, Հիմնադրի կողմից լիազորված համայնքային մարմինը:

**4.11** Կազմակերպության գործունեության տարեկան ֆինանսական հաշվետվությունների հավաստիությունը կարող է ենթարկվել աուդիտի (վերստուգման) լիազոր մարմնի կողմից ընտրված աուդիտորի կողմից:

## **5. ԿԱԶՄԱԿԵՐՊՈՒԹՅԱՆ ՇԱՀՈՒՅԹԻ ՕԳՏԱԳՈՐԾՄԱՆ ԿԱՐԳԸ**

**5.1** Կազմակերպության գործունեության ընթացքում առաջացած շահույթն օգտագործվում է սույն կանոնադրությամբ նախատեսված նպատակների իրականացման համար:

**5.2** Կազմակերպության շահույթի օգտագործման կարգը սահմանում է Հիմնադիրը:

## **6. ԿԱԶՄԱԿԵՐՊՈՒԹՅԱՆ ՎԵՐԱԿԱԶՄԱՎՈՐՈՒՄԸ ԵՎ ԼՈՒԾԱՐՈՒՄԸ**

**6.1** Համայնքային Կազմակերպությունը կարող է վերակազմակերպվել կամ լուծարվել Հիմնադրի որոշմամբ, ՀՀ քաղաքացիական օրենսգրքով սահմանված կարգով:

Համայնքային Կազմակերպությունը կարող է լուծարվել նաև սնանկության հետևանքով, իսկ օրենքով նախատեսված դեպքերում նաև դատական կարգով:

**6.2** Համայնքային Կազմակերպությունը լուծարման դեպքում պարտատերերի պահանջները բավարարելուց հետո, մնացած գույքն ուղղվում է Գյումրու բյուջե:

**6.3** Համայնքային Կազմակերպության լուծարմամբ նրա գործունեությունը դադարում է՝ առանց իրավունքները և պարտականություններն իրավահաջորդության կարգով այլ անձանց անցնելու: